

欽定四庫全書

子部

仁齋直指卷二十二



南京中医药大学图书馆版权所有

詳校官太醫院吏目臣周世泰

編修臣倉聖脈覆勘

欽定四庫全書

仁齋直指卷二十二

宋 楊士瀛 撰

明 朱崇正 附遺

癰疽

癰疽方論

癰疽五發發腦發鬢發眉發頤發背是也人之一身血

氣周流而無間稍有壅聚莫不隨所至而發見焉又豈

特五者而已哉俗以癰疽瘰癧附於癰疽之列以是為五

豈知癰與痼癌不過癰疽之一物古書所載僅有所謂
癰疽則癰亦同出而異名也若癌若痼前未之聞合是
以為五發其可乎癰者壅也疽者沮也血氣壅沮寒熱
不散陰滯於陽則發癰陽滯於陰則發疽而所發無定
處也蓋衣服厚煖則表易招寒滋味過多則裏易生熱
感受日久熱勝於寒寒化為熱六腑蘊熱騰出於膚肉
之間其發暴盛腫而光軟皮薄以澤侵展廣大者為癰
其患浮淺不傷筋骨此可治也五臟蘊熱攻熯乎肌骨

之內其發停蓄狀如痞癰皮厚以堅淡白焦枯者為疽
其患沈深傷筋蝕骨此不可治也凡發熱憎寒頭痛惡
心筋節拘牽氣急悶悶或病渴經年是皆欲發癰疽之
證發於喉舌頭面腦項肩背胃腹四肢大節女子妬乳
數者為險其他為緩腫高而軟者發於血脉腫下而堅
者發於筋骨肉皮色不變者發於骨髓近骨者多冷近
虛者多熱近骨久不愈則化血成虫近虛久不愈則傳
氣成漏成虫則多癢少痛或先癢後痛成漏則多痛少

癢或不痛不癢若形狀腫大按而後痛者其膿深小按即痛者其膿淺按之軟而即復者有膿按之強而不復者無膿瘡淺者欲在厚處瘡深者欲在薄處腫起堅硬膿稠者為實腫下軟慢膿稀者為虛有實熱者易療虛寒而邪熱多者難療癰疽已決去其膿而煩疼尚未全退其脈洪粗者又難為力要之癰疽脈來帶澁但得和緩為平若洪粗則銳毒不收鮮有濟也然則治療之法將何如曰血得溫則流行氣得溫則和暢服餌貼傳藥用

和平初覺則散腫內消已潰則排膿歛毒膿盡則去腐
內塞惡肉盡則生肌傳痂此定則也瘡家臟腑生熱熱
蒸其血血敗則腐肉肉腐則成膿當膿血炊聚之時所
賴朝夕洗瘡以外舒其毒氣纔覺有膿即煖醋蘸熨而
破之纔見敗肉即煮藥盪射而去之稍或稽延不反掌
而侵蝕筋骨是必腐敗盡除庶幾真氣得復好肉得生
耳而况癰疽險惡古人以虎口鳩毒喻之一芽初萌災
熨宣散急作主張殆有甚於拯溺救焚之不可緩也柰

何人多玩忽荏苒成形潰裂四出往往不救伊誰咎歟
大抵癰疽自內發外最不可服冷藥亦不可傳冷藥但
以溫和調治使毒氣自內發出可也若服冷藥則必至
傷動臟腑若傳冷藥則逼令毒氣內行內氣有虧毒從
外入衝心煩燥嘔吃嗽喘以至泄瀉此為內壞殺人無
疑或不隨順療理妄以急瀉瀉劑行之歟口太速毒氣
舒泄未盡必於其傍復發大疽活血排膿歟毒去腐生
新收口人所共知也孰知諸痛癢瘡皆屬於心心主血

脉心通諸竅如茯苓神遠志益智石菖蒲等輩又當
佐助於其間抑使病人不得憂驚嗔怒勞精疲神有觸
於心尤關利害五臟六腑所包者一膜耳人有患疽醫
療兩月新肉已平夜寐中幹者攻擊疾呼驚觸入心新
肉開裂醫者謂其肉膜已破而後肉開神仙莫救果非
心乎於此又能精加飲食使胃氣有所充和劑救裏使
內氣得所養有諸中形諸外理勢必然切戒癰疽成形
以後不得通利大便上醫宣毒蓋用車螯瓜蒌甘草紫

草等類以乳香沒藥佐之若大黃則不敢輕用也如其有熱即以赤茯苓麥門冬桑白皮燈心草利其熱於小便之中或以盃勺黑豆入紫蘇生薑如豆湯法亦能疏導若夫瘡口瘀熱而焮疼却暫用升麻山豆根厚黃藥煎湯入麝為之熏洗或瘡口歛平尚留一竅經時汁水不乾者其中必有淫虫朽骨當以藥消蝕而盡除之婦人患此適值月候不行尤當急為調血所謂大寒大熱大渴大吐大痛狂言無事喜笑鼻青唇慘赤暈不收膿

青血黯膿血腥臭血流不止小便如淋結硬過月方發
硬如石榴不破多日不腫不疼昏睡不知痛癢患熱恣
意取涼沈重痿弱氣乏肩項運掉不便心病臉如脂垢
貼藥鮮血常流膿如赤白下痢眼小竄視而白睛青黑
膿血大泄而炊腫且堅聲嘶色脫而肢體腫浮氣短喘
粗赤恍惚嗜腫煩燥時嗽而腹痛渴甚飲食不下而服
藥即嘔與熱吃逆嗽喘大便泄瀉皆惡證也抑猶有內
外之別焉疽初發來一粒如麻豆許身體即熱患處亦

熱腫大而高多生疼痛破後肉色紅紫此為外發縱使
極大用藥有條百無一失自發疽以來不問小大身體
無熱但覺倦怠瘡亦不熱數日之間漸漸開濶不腫不
高不焮不痛低陷而壞爛肉色紫黑此為內發盧扁無
如之何蓋其未發以前臟腑已先潰爛矣此又善惡之
衡鑑云雖然癰疽治法已條列於前矣究其病源有風
有氣有食有藥毒有勞損而所受不同焉風則多癢氣
則多痛食則發寒熱藥毒則堅硬勞損則瘦弱此外證

之為可驗也風氣食三種易療藥毒勞損二者難醫大
概風毒當驅風氣毒當調氣食毒當消積勞損當補虛
藥毒則黑豆汁利之甘草生薑解之丹砂則羊血菴豆
可以為佐登山到須酌水問源故推明本始以為瘍醫
一髮之助

癰疽證治

灸法癰疽初發小點一二日間急以大蒜頭橫切如錢
貼其中心頓小艾柱灸之五壯而止若形狀稍大以黃

稗紙蘸酒全貼認先乾處為筋脚於先乾處灸之或兩處先乾皆灸但五七壯而止又法屈指從四圍尋按遇痛處是根就此重按深入自覺輕快即此灸之更於別處尋灸若或大腫即搗蒜為餅焙乾蘸法醋灸熱更換頻爇或以熨汁火於蒜餅上熨之更換熱餅頻熨如覺患處走散即以綿帛覆蓋勿令氣泄俟少間傳藥凡癰疽展大如龜之形且看頭向上下先灸其前兩脚次灸其尾或紅筋走緊而長從盡處灸之須留頭并後兩脚

勿灸若盡灸之不惟火氣壅聚彼毒無所走散又攻入裏也或辨認不明以

白芷

三分

漢椒

桑白皮

各一分

連根葱白

十片

右取新水煎湯入酸醋半盞淋洗少頃其筋自現可以辨認頭尾

速消方癰疽發背已發未結已結未潰急以黃明牛皮膠新水溶令稀稠得所攤在抄紙上貼之良久以軟布

二條於醎醋中煮熟互換漉出罈在膠紙上蒸熨常要
熱氣相接若患處癢乃藥氣透須忍癢頻蒸熨直至消
散或破而膿出將盡即以貫衆煎湯洗去膠紙用退腫
散蠲毒散沈水膏等類摻傳或使用拔毒散隨意急服
萬金一醉膏或內消散乳粉托裏散破後以洗瘡方湯
洗發散毒氣

拔毒散癰疽腫結通用能散能潰

南星

上等大白者一兩

草烏頭

白芷

各半兩

木鱉子仁

一箇
研

右細末分兩次法醋入蜜調傳紗貼之

蠲毒散治癰疽腫毒未結則散已結則潰去風排膿

大南星

一兩

貝母

三分

白芷

赤小豆

直僵蠶

焙各
半兩

雄黃

二錢
研

右細末初用醋調傳後用蜜水調傳

癰疽宣毒方諸癰疽已破未破通用

瓜蒌

一箇去
皮剉細

紫車蛾殼

一箇黃泥和鹽塗
傳煨通紅用三錢